

KOSMO	
Tarikh:	16/5/2012
Hari:	RABU M/S: 62
Ruangan:	Sukan

Skuad belia Perak agih RM20,000

HADIAH wang tunai RM20,000 yang diraih Perak hasil kejayaan menjuarai Kejohanan Bola Sepak Piala Belia 2012 akan diagihkan antara pemain dan pegawai skuad itu, lapor **KAMARUDDIN ISMAIL**.

Perkara itu diumumkan sendiri oleh Presiden Persatuan Bola Sepak Perak (Pafa), Datuk Zainol Fadzi Paharuddin pada majlis meraikan kejayaan skuad belia Perak di Ipoh malam kelmarin.

"Para pemain dan pegawai pasukan Perak wajar berkongsi wang hadiah kemenangan itu setelah bertungkus lumus untuk mencapai kejayaan."

"Seramai 22 pemain dan tiga pegawai akan menerima ganjaran tersebut yang mana jumlahnya akan ditentukan oleh pengurus pasukan," jelas Zainol Fadzi.

Kejohanan anjuran Persatuan Bola Sepak Malaysia (FAM) itu menampilkan 14 pasukan negeri.

Pada aksi final yang berlangsung di padang kampus Universiti Utara Malaysia (UUM), Sintok, Ahad lalu, Perak menewaskan Perlis 1-0 hasil jaringan penyerang berbakat, Hafiz Ramdan.

Sebelum melangkah ke pentas final, Perak muncul sebagai naib juara Kumpulan B apabila mencatat



ZAINOL FADZI (berdiri depan, tiga dari kiri) bergambar bersama barisan pemain dan pegawai skuad belia Perak pada majlis meraikan kejayaan pasukan itu muncul juara Kejohanan Piala Belia 2012 di Ipoh malam kelmarin.

keputusan seri 1-1 dengan Selangor, menumpaskan Melaka 2-0 dan seri 3-3 dengan Perlis.

Pada aksi suku akhir, Perak mengalahkan Pulau Pinang 3-0 sebelum menang 1-0 ke atas Kedah dalam saingan separuh akhir.

Apa yang lebih membanggakan apabila penyerang Perak, Mohd. Fitri Su-

din turut dijulang sebagai pemain terbaik kejohanan itu, sekali gus meraih hadiah wang tunai RM1,500.

Zainol Fadzi berkata, skuad kendalian Syamsol Sand itu tidak akan dibubarkan.

Jelasnya, ini kerana Pafa telah membelanjakan sejumlah wang yang besar untuk membentuk skuad

belia itu.

"Pengurusan Pafa juga sedang merancang untuk menyediakan peluang kepada pemain-pemain itu melanjutkan pelajaran."

"Ini bagi mengelakkan mereka berhenti bermain dan pada masa yang sama, meneruskan pelajaran ke peringkat lebih tinggi," katanya.

andizmadin "Pafa telah membelanjakan sejumlah wang yang besar untuk membentuk skuad belia itu."